

## Yeshua, Esun Ungi di Israel i Juda; e Luga di Dios!!!

Pa e motibu aki **Yeshua, Esun Ungi** a bisa: "No kere of **pensa** ku **Mi** a bin pa **abolí** of **anulá** e **Lei** òf e **Profetanan**; **Mi** no a bin pa **abolí** of **anulá**, sino pa **kumpli** i **klarifika**. (**Mateo 5:17**).

### **Yeshua: e Lei, e Enseñansa di Dios Tata!!!.**

**Pasobra** manera **awaseru** i **sneu** ta kai for **di Shelu**, i no ta bolbe ayanan **sin muha tera**, i ta hasi **tera produsí** i **spreit**, i ta **duna simia** na e **sembradó** i **pan** na **esun** ku ta **kome**, asina **Mi Palabra** ku ta sali for **di Mi Boka lo ta**; e lo no bolbe **bashí** serka **Mi**, **sin kumpli** ku **loke Mi ta Deseá**, i **sin alkansá** e **Propósito** ku **kual Mi a mand'é**. (**Isaias 55:10-11**). **Tambe** e **stranheronan** ku **uni nan mes** ku **SEÑOR**, pa **sirbiE**, i pa **Stima** e **Nòmber** di **SEÑOR**, pa ta **Su Sirbidónan**, kada **un** ku **no ta profaná dia di Sabat**, i ta **tene firme** na **Mi Aliansa**, **eseinan lo Mi hiba** na **Mi Seru Santu**, i **lo Mi hasi** nan **kontentu den Mi Kas di Orashon**. Nan ofrendanan **kimá** i nan **sakrifisionan lo ta aseptabel** riba **Mi Altar**, pasobra **Mi Kas lo wòrdu yamá Kas di Orashon** pa **tur e Pueblonan**." (**Isaias 56:6-7**).

### **Yeshua: e Lei, e Enseñansa di Dios Tata!!!.**

**Awor** a sosodé **ku riba dia di Sabat Yeshua** tabata pasando dor di **kunukunan** di **mainshi**; i **Su disipelnan** tabata **kita** e **tapushinan** di **mainshi**, **frega** nan **den nan man** i **kome** nan. Ma **algun di e fariseonan** a bisa: "Pakiko boso ta hasi **loke Lei no ta pèrmití** pa **hasi riba dia di Sabat**?" I **kontestando** nan **Yeshua** a bisa: "Ni **lesa** boso no a **lesa** **loke David** a **hasi** ora ku **é** i **esnan** ku **tabata** **huntu** **kuné** a **haña** **hamber**, **kon el** a **bai** **den e kas di Dios**, i a **kohe** e **pan konsagrá** **kome**, **loke Lei no ta pèrmití** pa **ningun** **hende** **kome**, **sino solamente** e **saserdotenan**, i a **duna** **esaki** na **esnan** ku **tabata** **huntu** **kuné**?" I **Yeshua** **tabata** bisa nan: "**E Yu di Hende** ta **Señor di Sabat**." I a **sosodé** **riba un otro dia di Sabat** ku **Yeshua** a **bai** **den** **snoa** i **tabata** **siña** e **hendenan**; i **einan** **tabatin** **un hòmber**, **kende** **su man drechi** **tabata** **seku**. I e **eskribanan** i e **fariseonan** **tabata** **ten'E** **bon** na **bista**, pa **wak si Yeshua** **tabata** **Kura** **riba dia di Sabat**, pa **nan por** a **haña** **motibu** pa **akus'E**. Ma **Yeshua** **tabata** **konosé** nan **pensamentunan**, i **Yeshua** a bisa e **hòmber** ku e **man** **seku**: "Lanta bin para **meimei** aki!" I **el** a **lanta** i a **bai** para **ayan**an. I **Yeshua** a bisa nan: "**Mi kier puntra** boso **un kos**: **Lei** ta **pèrmití** pa **riba dia di Sabat** **hasi Bon** òf **hasi malu**, **Salba** un **Bida** òf **destruíé**?" (**Lukas 6:1-9**).

**Awor** aki **den 2020** ta **Israel** i **Juda** ta **tene** e **dia di Sabat**. **Awor** si **E hudiu Yeshua** no a bin pa **abolí** of **anulá** e **Lei** òf e **Profetanan**, **anto** **den Isaias**, ku ta **un Profeta**, **tin skirbi**; e **stranheronan** ku **uni nan mes** ku **SEÑOR**, pa **sirbi SEÑOR**, i pa **Stima** e **Nòmber** di **SEÑOR**, pa ta **Su Sirbidónan**, i **no ta profaná** e **dia di Sabat**, i ta **tene firme** na **SEÑOR Su Aliansa**, **eseinan lo SEÑOR hiba** na **Su Seru Santu**, i **hasi** nan **kontentu** **den SEÑOR Su Kas di Orashon**. **Awor** aki **den 2020** e **Luga di Dios** ta **Israel**, **kaminda** **nan ta tene Su dia di Sabat**, ku ta **kuminsa djabièrnè** ora **solo** **baha** te **djasabra** ora **solo** **baha**.

19 yùli 2020

Sea **Bendishoná** ku e **Amor** di **Dios Tata**; **Yeshua Mesias**  
**Un Fiel Sirbidó** di **Dios**,  
**Remsly L Riley**.